



U skladu sa članom 20a. st. (1) i (2) Zakona o radu („Službene novine F BiH“ br. 26/16, 89/18, 44/22 i 39/24) i članom 4. Uredbe o postupku prijema u radni odnos u javnom sektoru u Federaciji BiH („Službene novine F BiH“ br. 13/19, 9/21 i 53/21), a na osnovu člana 95. Statuta Dioničkog društva BH Telecom Sarajevo, broj: 00.1-03-31535/23-9 od 22.12.2023. godine, člana 15. Pravilnika o radu Dioničkog društva BH Telecom Sarajevo, br. 00.1-47-83950-2/22, 00.1-14-24850-3/23, 00.1-14-34495/23, 00.1-14-4411/24, 00.1-14-32878-2/24, 00.1-14-68904/24, 00.1-14-68904-3/24, 00.1-14-125847/24, 00.1-14-60343/25-2, 00.1-14-96687/25-1, 00.1-14-111428/25 i 00.1-14-118992/25-1, 00.1-14-24553/26-1 i čl. 9., 10. i 23. Uputstva o postupku prijema u radni odnos u Dioničkom društvu BH Telecom Sarajevo, br. 00.1-14-32202-1/22, 00.1-14-56160/22-1, 00.1-14-11171/24-2 i 00.1-14-1799/26-1, te u skladu sa tačkom II Odluke o poništenju i ponovnom objavljivanju dijela javnog oglasa za prijem u radni odnos, broj: 03.2.3.1-50-52768-9/25 od 10.06.2026. godine, te shodno pribavljenoj saglasnosti Federalnog ministarstva prometa i komunikacija, broj: 07/1-45-1596/25 od 15.09.2025. godine, izvršni direktor Izvršne direkcije za pravne poslove, upravljanje organizacijom i ljudskim resursima

PONIŠTAVA DIO JAVNOG OGLASA

za prijem radnika u radni odnos na neodređeno vrijeme u Sektoru za energetiku u Izvršnoj direkciji za tehnologiju i razvoj servisa, na radna mjesta kako slijedi:

- 1) 414. Tehničar, SSS – 1 (jedan) izvršilac** uz probni rad u trajanju do 3 (tri) mjeseca u Službi za energetiku Sarajevo, sa mjestom rada u Kantonu Sarajevo (lokacija rasporeda: Sarajevo) i
- 2) 431. Stručni saradnik, VSS – 1 (jedan) izvršilac** uz probni rad u trajanju do 6 (šest) mjeseci u Službi za energetiku Zenica, sa mjestom rada u Zeničko-dobojskom kantonu (lokacija rasporeda: Zenica),

objavljen dana 10.01.2026. godine u dnevnom listu „Oslobođenje“,

te ponovo objavljuje

JAVNI OGLAS

za prijem radnika u radni odnos na neodređeno vrijeme u Sektoru za eneregetiku Izvršnoj direkciji za tehnologiju i razvoj servisa, na radna mjesta kako slijedi:

- 1) 414. Tehničar, SSS – 1 (jedan) izvršilac** uz probni rad u trajanju do 3 (tri) mjeseca u Službi za energetiku Sarajevo, sa mjestom rada u Kantonu Sarajevo (lokacija rasporeda: Sarajevo) i
- 2) 431. Stručni saradnik, VSS – 1 (jedan) izvršilac** uz probni rad u trajanju do 6 (šest) mjeseci u Službi za energetiku Zenica, sa mjestom rada u Zeničko-dobojskom kantonu (lokacija rasporeda: Zenica)

Kratak opis poslova za radno mjesto pod 1)

1. Radi na terenu (rad se odvija u nepovoljnim mikroklimatskim uslovima i pod nepovoljnim uticajem atmosferskih uslova na otvorenom prostoru, niske temperature zimi i visoke temperature ljeti);
2. Radi na održavanju mašinskih instalacija na BS (izlaganje nejonizirajućim elektromagnetnim zračenjima);
3. Radi sa štetnim hemijskim elementima i jedinjenjima (freon, acetilen...), poslovi pri održavanju klima uređaja, agregatskih postrojenja;
4. Radi u objektima gdje je buka od klimatskih uređaja koji neprestano rade;
5. Povremeno radi sa naftnim derivatima u smislu pretakanja i dopunjavanja agregata;
6. Vršiti nadzor, upravljanje i tekuće održavanje mašinski energetskih uređaja i instalacija, trenutno izvještava o stanju i smetnjama na glavnim objektima;
7. Učestvuje u poslovima na demontaži starih i montaži novih mašinskih instalacija;
8. Provodi mjere PPZ i HTZ.

Kratak opis poslova za radno mjesto pod 2)

1. Unaprijeđuje, nadzire i kontrolira rad sistema energetike;
2. Vodi tekuće i investiciono održavanje energetskih uređaja i instalacija;
3. Vodi i ažurira tehničku dokumentaciju za sisteme ME/EE;
4. Radi na poslovima nadzora i učestuje u radu komisija;
5. Vršiti sve vrste mjerenja na sistemima ME/EE;
6. Učestuje u izradi tehničkih rješenja i dokumentacije na sistemima ME/EE;
7. Otklanja složene kvarove na uređajima energetike;
8. Odgovoran je za kvalitet vlastitog rada u okviru stručne spreme i provođenje mjera lične i kolektivne zaštite na radu;
9. Učestuje u poslovima na organizaciji demontaže starih i montaže novih energetskih instalacija;
10. Predlaže mjere za poboljšanje kvaliteta rada;
11. Provodi mjere PPZ i HTZ.

I OPŠTI USLOVI:

- da je kandidat državljanin Bosne i Hercegovine,
- da ima opštu zdravstvenu sposobnost za obavljanje poslova navedenog radnog mjesta (samo kandidat koji bude izabran dužan je da u roku od 5 (pet) dana od dana konačnosti Odluke o prijemu u radni odnos, dostavi ljekarsko uvjerenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovaraju svim uslovima radnog mjesta, koje nije starije od 3 (tri) mjeseca).

II POSEBNI USLOVI:

Za radno mjesto pod 1)

- a) SSS (IV stepen stručne spreme) – sa završenom srednjom mašinskom školom ili drugom odgovarajućom srednjom školom mašinsko tehničkog smjera,
- b) bez radnog iskustva u trajanju do 6 (šest) mjeseci ili sa radnim iskustvom u trajanju od minimalno 6 (šest) mjeseci, nakon sticanja potrebne stručne spreme i
- d) vozačka dozvola za "B" kategoriju.

Za radno mjesto pod 2)

- a) VSS (VII stepen stručne spreme ili visoko obrazovanje prvog ili drugog ciklusa stečeno po Bolonjskom sistemu studiranja sa 240 ECTS bodova u istoj struci) – sa završenim Elektrotehničkim fakultetom (smjer energetika ili elektronika-automatika) ili Mašinskim fakultetom (smjer energetika),
- b) bez radnog iskustva u trajanju do 12 mjeseci ili sa radnim iskustvom u trajanju od minimalno 12 mjeseci, nakon sticanja potrebne stručne spreme i
- d) vozačka dozvola za "B" kategoriju.

III NAČIN PRIJAVE:

Kandidat je dužan dostaviti svojeručno potpisanu prijavu, uz koju je poželjno dostaviti biografiju (CV) .

Uz prijavu se **obavezno** dostavlja original ili ovjerena kopija slijedećih dokaza:

- Diploma o završenom školovanju, kao dokaz o posjedovanju tražene stručne spreme – za radno mjesto pod 1),
 - Diploma/diplome o posjedovanju tražene stručne spreme – za radno mjesto pod 2),
 - Dodatak diplomi/diplomama (za kandidate koji su završili studij po Bolonjskom sistemu studiranja) – za radno mjesto pod 2), (Napomena: Kandidati koji su završili I ciklus studija u trajanju od 6 (šest) semestara po Bolonjskom sistemu studiranja i stekli 180 ECTS bodova, dužni su dostaviti diplome i dodatak diplomama I i II ciklusa studija u istoj struci.)
- Kandidati koji su u toku trajanja I ciklusa studija po Bolonjskom sistemu studiranja stekli 240 ECTS bodova, nisu dužni dostaviti diplomu i dodatak diplomi za II ciklus studija.

Kandidati koji dostavljaju diplome inostrane visokoškolske kvalifikacije obavezani su dostaviti rješenje o nostrifikaciji diplome izdato od strane nadležnog organa (ukoliko je riječ o Bolonjskom sistemu studiranja, rješenje obavezno treba da sadrži i broj stečenih ECTS bodova).

- Uvjerenje o državljanstvu (koje nije starije od šest mjeseci) – za oba radna mjesta,
- Dokaz o posjedovanju vozačke dozvole „B“ kategorije – za oba radna mjesta.

NAPOMENA I:

U slučaju da, u toku postupka izbora kandidata za prijem u radni odnos, neki od kandidata ostvare jednak broj bodova, prednost pri zapošljavanju pod jednakim uvjetima u skladu sa Zakonom o pravima boraca i članovima njihovih porodica („Sl. novine FBiH“, br. 33/2004, 56/2005, 70/2007, 9/2027 i 29/2022) imat će kandidat koji ima svojstvo demobiliziranog branioca, člana porodice demobiliziranog branioca, djeteta šehida - poginulog branioca, umrlog ratnog vojnog invalida, ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidat ostvaruje, samo ukoliko pored opštih i posebnih uslova javnog oglasa, ispunjava i sljedeće:

- da je nezaposleno lice i
- da je demobilizirani branilac ili član njegove porodice, ili da je dijete šehida – poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidati dokazuju dostavljanjem sljedećih dokaza:

- Uvjerenje o statusu nezaposlenog lica izdato od nadležnog organa za vođenje evidencije o nezaposlenim licima, ne starije od 15 dana od dana izdavanja i
- Rješenje/uvjerenje nadležnog organa o priznavanju svojstva demobiliziranog branioca, člana porodice demobiliziranog branioca, svojstva djeteta šehida-poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

NAPOMENA II:

a) Svi traženi dokumenti moraju biti original ili ovjerena kopija.

b) Prijava kandidata koja ne bude svojeručno potpisana odbacit će se kao neuredna.

c) Prijava kandidata koja ne bude sadržavala sve dokaze zahtijevane javnim oglasom odbacit će se kao nepotpuna.

d) Neuredne, nepotpune i neblagovremene prijave neće se uzeti u razmatranje.

e) Sa kandidatima za radno mjesto pod 1) čije prijave budu blagovremene, uredne i potpune održati će se usmeni ispit, dok Komisija za izbor kandidata za prijem u radni odnos može Planom rada predvidjeti održavanje i pismenog i/ili praktičnog ispita, a o čemu će kandidati biti blagovremeno obaviješteni.

f) Sa kandidatima za radno mjesto pod 2) čije prijave budu blagovremene, uredne i potpune održati će se pismeni i usmeni ispit, dok Komisija za izbor kandidata za prijem u radni odnos može Planom rada predvidjeti održavanje i praktičnog ispita, a o čemu će kandidati biti blagovremeno obaviješteni.

g) Kandidati koji se ne odazovu/ ne pristupe svim ispitima koji su predviđeni Planom rada Komisije, gube pravo na učešće u daljem postupku izbora kandidata.

h) Kandidat se sa jednom prijavom/kovrtoom može prijaviti samo na jedno radno mjesto.

i) Generalni direktor zadržava pravo da obavi razgovor sa kandidatima sa Liste uspješnih kandidata, a u svrhu dodatnog upoznavanja i adekvatnijeg izbora novih radnika.

IV Rok za podnošenje prijava na ovaj javni oglas je do 22.06.2026. godine.

Prijave sa dokazima o ispunjavanju uslova traženih javnim oglasom, dostavljaju se u zatvorenoj kovrti neposredno na protokol Dioničkog društva BH Telecom Sarajevo ili putem pošte na adresu:

**Dioničko društvo BH Telecom Sarajevo
Sa naznakom "Prijava na javni oglas na radno mjesto
(navesti broj i naziv radnog mjesta)
u Izvršnoj direkciji za tehnologiju i razvoj servisa– ne otvarati"
ul. Franca Lehara 7
71000 Sarajevo**

Dokumentacija priložena uz prijavu će se čuvati 1 (jednu) godinu nakon izvršenog izbora kandidata (u slučaju sudskog spora, dok traje spor), te istu kandidat može, uz prethodno podneseni zahtjev, preuzeti na protokolu Dioničkog društva BH Telecom Sarajevo nakon okončanja javnog oglasa. Zahtjev za izuzimanje dokumentacije kandidat može podnijeti u roku od 1 (jedne) godine od dana izbora kandidata, putem protokola Dioničkog društva BH Telecom Sarajevo na naprijed navedenoj adresi, nakon čega će dostavljena dokumentacija biti uništena.

Dioničko društvo BH Telecom Sarajevo će lične podatke kandidata dostavljene u prijavi i prijavnoj dokumentaciji obrađivati u svrhu provođenja postupka prijema novog radnik.

Upute za apliciranje na javne oglase u Dioničkom društvu BH Telecom Sarajevo možete naći na sljedećem linku: <https://www.bhtelecom.ba/karijera/>.